

BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO FINACIJA  
FEDERALNO MINISTARSTVO FINANSIJA  
SARAJEVO

BOSNIA AND HERZEGOVINA  
FEDERATION  
OF BOSNIA AND HERZEGOVINA  
FEDERAL MINISTRY OF FINANCE  
SARAJEVO  
PARLAMENT FEDERACIJE BOSNE I HERCEGOVINE  
DOM NARODA  
SARAJEVO

Broj: 06-14-3-281/17  
Sarajevo, 07.03.2017. godine

Primijeno:	09-03-2017		
Org. jed.	Broj	Priloga	Vrijednost
	02-02-	2239	/16

DOM NARODA PARLAMENTA FEDERACIJE BOSNE I HERCEGOVINE

**PREDMET: Zahtjev za očitovanje - odgovor, daje se**

**Veza: Akt Ured Premijera broj: 01-02-14/17 od 06.01.2017. godine**

Poštovani,

U vezi sa Vašim zahtjevom kojim se traži informacija u vezi sa aktivnostima na realizaciji inicijativa iznesenih na raspravi na 12. sjednici Doma naroda Parlamenta Federacije Bosne i Hercegovine održane 29.12.2016. godine, ističemo sljedeće:

Zakon o budžetima u Federaciji Bosne i Hercegovine („Službene novine Federacije BiH“ br. 102/13, 9/14, 13/14, 8/15, 91/15, 102/15 i 104/16), usvojen je na sjednici Doma naroda Parlamenta Federacije Bosne i Hercegovine 16.12. 2013. godine i objavljen u Službenim novinama Federacije BiH broj 102/13, te je u primjeni od 1.1.2014. godine.

Predmetnim Zakonom svi budžetski procesi su unaprijeđeni na način da se povećala finansijska disciplina i unaprijedila fiskalna odgovornost. Došlo je do unaprijeđenja propisa u dijelu koji se odnosi na način i rokove izrade, te donošenja budžeta i Dokumenta okvirnog budžeta. Zakonom su propisana fiskalna pravila, kojima su se povećala fiskalna odgovornost rukovodilaca, poboljšala kontrola zakonitog, namjenskog i blagovremenog utroška budžetskih sredstava, te unaprijedio proces donošenja budžeta, njegovog izvršavanja, kao i izvještavanja.

Ističemo i činjenicu da je Zakon o budžetima harmonizovan sa međunarodnim računovodstvenim standardima, na koje upućuje međunarodna praksa, ali i to da član 105. ovog Zakona upućuje da: *u slučaju da su odredbe drugih zakona i propisa u suprotnosti sa ovim Zakonom, primjenjivat će se ovaj Zakon.*

Također, bitno je naglasiti da Federalno ministarstvo finansija na Zakon o principima lokalne samouprave u Federaciji Bosne i Hercegovine („Službene novine Federacije BiH“ br. 34/06) ima značajan broj primjedbi, od kojih, između ostalih, izdvajamo postupak arbitraže (član 19.), te sektorizacija mjesne zajednice (čl. od 27. do 32.).

Naime, u članu 19. propisan je postupak arbitraže, međutim premda se kaže da je nalaz Arbitražnog tijela obavezujući, iz dosadašnje prakse Federalnog ministarstva finansija

uočeno je da se ne poštuje nalaz Arbitražnog tijela. Smatramo da je potrebno uvesti kaznene odredbe u navedeni Zakon.

Takođe, prilikom izrade novog Pravilnika o knjigovodstvu budžeta u Federaciji BiH („Službene novine Federacije BiH“ broj 60/14), jedna od preporuka Međunarodnog monetarnog fonda i Evropske komisije je da Mjesne zajednice trebaju biti budžetski korisnici budžeta općina. Navedeno je ispoštovano i Mjesne zajednice više nemaju svoj ekonomski kod u Analitičkom kontnom planu za budžet i budžetske korisnike Federacije BiH, koji je u primjeni od 1.1.2015.godine.

Shodno gore navedenom, a uzimajući u obzir činjenicu da je postojeći Zakon o principima lokalne samouprave u Federaciji Bosne i Hercegovine donesen 2006. godine, te da u pojedinim segmentima derogira odredbe Zakona o budžetima u Federaciji BiH, mišljenja smo da predmetni Zakon treba unaprijediti, bilo izmjenama i dopunama postojećeg Zakona, bilo donošenjem novog Zakona koji uređuje ovu oblast i koji svakako treba biti harmoniziran sa odredbama Zakona o budžetima u Federaciji BiH.

S poštovanjem,

Co: Ured Premijera Vlade Federacije BiH



**MINISTRICA**

**Jelka Milićević**